



IV GOVERNO CONSTITUCIONAL SECRETARIA DE ESTADO DO CONSELHO DE MINISTROS

KOMUNIKADU IMPRENSA

Sorumutu Konsellu Ministru laron 8 fulan Juñu tinan 2011

Konsellu Ministru hala'o sorumutu iha kuarta-feira, laron 8 fulan Juñu tinan 2011, iha Sala Sorumutu Konsellu Ministru, iha Palásiu Governu, iha Díli, no aprova ona:

1. Dekretu Governu ne'ebé aprova Reglamentu Medalla Seguransa Públika

Diploma ida ne'e regula kriaun ida ba kondekorasaun hirak ne'ebé hanesan símbulu gratidaun ba elementu sira Polísia Nasionál Timor-Leste nian, ne'ebé iha sira nia atividade profisionál, ka iha lala'ok ne'ebé derrepente aten barani ka laran di'ak nian, fó ona sira nia kontribuisaun significativa ba benefísiu Timor-Leste no timor oan sira nian.

2. Dekretu Governu ne'ebé aprova Medalla Komemorativa ba Komisaun Servisu Espesiál

Ho Dekretu ida ne'e, determina kriaun ba kondekorasaun ida, hanesan símbulu rekoñesimentu ba elementu Polísia Nasionál Timor-Leste ne'ebé, iha sira nia atividade profisionál, kumpri sira nia misaun iha estranjeiru, hodi nune'e kontribui, ho forma jerál atu halo projesaun ba ninia instituisaun, liu-liu ba imajén disponibilidade no solidariedade, ne'ebé Timor-Leste iha ba mundu hirak seluk.

3. Dekretu-Lei ne'ebé aprova Alterasaun Rejime Promosaun ba Polísia Nasionál Timor-Leste nian

Hala'o prosesu promosaun ba Polísia Nasionál Timor-Leste (PNTL) foin lalais ne'e, seidauk bele prenxe postu oin-oin ne'ebé sei mamuk hela.

Tanba iha konsiderasaun ba membru balun instituisaun nian, ne'ebé seidauk hetan rekoñesimentu ba sira nia estatutu Kombattente Libertasaun Nasionál, no sira mós okupa pozisaun komandu iha Frente Armada, Konsellu Ministrus deside altera diploma ida ne'e. Alterasaun ida ne'e regula promosaun ba membru sira PNTL nian ne'ebé hetan estatutu Kombattente Libertasaun Nasionál.

Tanba iha konsiderasaun mós katak, husi Komandu Jerál PNTL no husi Komisaun Akompañamentu ba Prosesu Promosaun PNTL nian, dezentove daudaun ona no prezisa iha continuidade, Governu decide atu aumenta tan períudu tranzitóriu.

4.Rezolusaun Governu nian ba Nomeasaun membru Komisaun Akompañamentu ba prosesu Promosaun PNTL nian

Tuir mandatu Komisaun Akompañamentu ba Prosesu Promosaun Polísia Nasionál Timor Leste (PNTL) nian ne'ebé foin lalais ne'e hanaruk tan, prezisa haree fila fali nia kompozisaun.

Nune'e, membru sira ne'ebé hetan nomeasaun atu halo parte iha Komisaun mak hanesan:

- 1 – Isabel Ferreira (Prezidente)
- 2 – Madre Guilhermina Marçal (Vogál)
- 3 – Dr.Anacleto da Costa Ribeiro (Vogál)
- 4 – Komisáriu Afonso de Jesus, 2.º Komandante Jerál (Vogál)
- 5 – Superintendente Eugénio Pereira (Vogál)
- 6 – Superintendente Arquimínio Ramos (Vogál)
- 7 – Tânia Felicio, UNMIT (Vogál)

Hanesan membru suplente, mak:

- 1 – Cândida do Rosário, Sekretáeia Estadu Seguransa
- 2 – Superintendente Assistente Moisés Amaral, PNTL
- 3 – Subintendente Raul Curva, UNMIT.

5.Dekretu Lei kona-ba Primeira Alterasaun Lei Orgánika Sekretaria Estadu Juventude no Desportu

Ho objetivu atu halo di'ak liután supervizaun ba atividade Sekretaria Estadu Juventude no Desportu (SEJD), mak harii ona Gabinete Inspesau no Auditoria Interna, iha autonomia téknika no administrativa no ho kompeténsia iha âmbito avaliaun no fiskalizaun ba atividade hirak ne'ebé mak atu implementa.

Konsellu Ministru analiza mós:

1.Zona Ekonómika Espesial

Konsellu Ministru analiza estudu ne'ebé apresenta husi empreza *DLA PIPER*, kona-ba kriasaun Zona Ekonómika Espesial, hodi esplika kona-ba Zona ne'e, tipu oioin ne'ebé mak eziste, kondisaun ne'ebé mak prezisa ba implementasaun, vantájen no desvantájen no pasu ne'ebé mak prezisa ba nia kriasaun. Apresenta ona ezemplu oioin kona-ba Zona Ekonómika Espesial, ne'ebé harii ona iha fatin oin-oin iha mundu.

2. Banku Nasionál Investimentu no Dezenvolvimentu Timor-Leste nian

Nu'udar atu kria Banku Nasionál no Dezenvolvimentu Timor Leste nian ne'ebé la'o hela, Ministériu Ekonomía no Dezenvolvimentu apresenta ona ba Konsellu Ministru, kondisaun subskrisaun nian ne'ebé loke ba sira ne'ebé atu sai asionista.

Prosesu formál ba konstituisaun Banku Nasionál Investimentu no Dezenvolvimentu Timor-Leste nian, nu'udar hotu-hotu hatene katak, hahú ho aprovasaun husi Konsellu Minsitru, Rezolusaun kona-ba planu asaun ba kriaun Banku nian. Rezolusaun hetan ona aprovasaun iha Sorumutu Estrordináriu iha loron 11 fulan Maiu tinan 2010, no determina estrutura jerál ba instituisaun iha tempu oin mai.

3. Projetu Investimentu " Ótel Timor"

Konsellu Ministru analiza ona projetu investimentu ba " Ótel Timor", iha Dili. Diskute ona kondisaun proposta ne'ebé apresenta husi empreza ne'eb'e ka'er servisu otél ne'e nian no analiza ona possibilidade ba estensaun kontratu konsesaun liu husi investimentu empreza hodi haboot tan otél.

4. Dekretu Lei kona-ba Regulamentu Hasa'e Bandeira Nasionál nian

Bandeira Nasionál mak símbolu ida unifikadór Pátria nian, ne'ebe' tenke hasa'e nia dignidade aas liu , nune'e mós, timor oan sira hotu-hotu tenke hatudu sira nia respeitu ba bandeira ne'e.

Rekoñese katak lejislasaun kona-ba Bandeira Nasionál seidauk kompleta, Konsellu Ministru analiza ona diploma ne'e, ne'ebé mak estabelese regra jerál hodi regula atu hasa'e bandeira iha loron ne'ebé mak lei determina.